

4. april 2019

UPA 2019/112

Inuit ernumanermik isummakkullu nanertismanermik eqqugaasartut isumassorneqarluarnissaat qulakkeerniarlugu nuna tamakkerlugu iliuusissatut pilersaarummik kingusinnerpaamik UPA2020-mi saqqummiunneqartussamik Naalackersuisut suliaqarnissaat pillugu Inatsisartut aalajangiiffigisassaattut siunnersuut.

(Inatsisartunut ilaasortaq Aqqa Samuelson, Inuit Ataqtigiit)

Inatsisartuni Inuit Ataqtigiit sinnerlugit ilaasortaq Aqqa Samuelson siunnersuutaa Siumumiik imaattumik oqaaseqarfigissuarput.

Innuttaasut ernumanermik isummakkullu nanertismanermik eqqugaasartut nunatsinni tusarsaaleraluttuinnarnerat tamatta malugisinnaagunarparput.

Inuit ernumanermik isummakkullu nanertismanermik nalaanneqaraangamik assigiinngitutigut sunniuteqartarpoq. Nappaammik taamatut eqqugaaneq ilaqutariinnut, suliffimmut minnerunngitsumillu inummut eqqugaasumut sunniuteqarnerluttarpoq. Siullerli pingaaneq tassaavoq piaartumik ikiorneqarnissaq aappaattut ilaqtanik qanigisanillu paasineqarluni tapersorsorneqarnissaq kiisalu suliffimmit akuerineqarluni aamma tapersorsorneqarnissaq.

Nunatsinni inuit kikkulluunniit nappaammik nalaanneqartut peqqinnissaqarfik aqutigalugu ikiorneqarsinnaapput sumiiffimmilu ikiuisinnaasumik peqanngippata tele psykiatri aqutigalugu ikiorneqarsinnaatitaallutik. Tamannali nunarujussuatsinni sumiiffinni assigiinngitsuni suli pitsanngorsarneqarsinnaalluartoq Siumumi isumaqarpugut.

Killiliisap anguniagai malillugit sinerissami paasisitsiniaanerit ersarilluartut aallartereersullu Siumumiit malinnaaffigalugillu iluarisimaarpagut.

Siunnersuuteqartoq nappaammik eqqugaasarneq pillugu nuna tamakkerlugu iliuusissatut pilersaarummik peqalernissaanik siunnersuuteqarpoq Naalackersuisulli innersuussutigaaq suliniutit maanna aallartereersut tunngavialugit siunnersuut itigartinneqassasoq. Siumumiik isumaqarpugut suliniutit maanna pitsaasusut kaammattuutigerusupparpulli, inuit ernumanermik isummakkullu nanertismanermik eqqugaasut pisortat suliffeqarfiutaanni sulisuusut pitsaanagerusumik ullumikkornit periarfissaqartinneqassasut, ass. Nappaammik eqqugaaneq soraarsitaassutiginaagu periarfissinneqartallissasut qaammatini aaliangersimasuni napparsimanerminni sulinngiffeqarnissaannik soorlu qaammatini pingasuni.

Siumumiik taamatut oqaaseqarluta siunnersuut tunngaviatigut paasisinnaagaluarlugu itigartipparput suliniutit aallartereersut innersuussutigalugit.

Siumut sinnerlugu Inatsisartuni ilaasortaq, Doris J. Jensen



SIUMUT
INATSISARTUT